

**SYKKYLVEN KOMMUNE**  
**Kontrollutvalet**

**MØTEINNKALLING**

---

07.06.2013

Kopi til: Ordføraren  
Revisor  
Rådmann

Medlemene av  
Kontrollutvalet

**INNKALLING TIL MØTE I SYKKYLVEN KONTROLLUTVAL**

Det blir med dette kalla inn til møte i kontrollutvalet

**torsdag, den 13. juni 2013 kl. 14.00**  
**på formannskapsalen**

**SAKLISTE:**

- Sak 16/13 - Godkjenning av møtebok frå møte 25. april 2013
- « 17/13 - Vidare oppfølging av rådmannen si handtering av derivatkontraktar mellom Sykkylven kommune og Nordea Bank ASA (jf. sak 10/13)
- « 18/13 - Vedkomande sensitive personopplysningar på kommunen si heimeside
- « 19/13 - Oppfølging av politiske vedtak  
Eventuelt

Dersom det er vanskeleg å møte, gje melding på telefon 70 17 21 58 eller 97 60 57 83 til dagleg leiar eller e-post [kontrollutval@kontrollutval.no](mailto:kontrollutval@kontrollutval.no).

Odd Jostein Drotninghaug  
leiar  
(sign.)

**KONTROLLUTVALET I  
SYKKYLVEN KOMMUNE**

**MØTEBOK**

Møtedato: 25. april 2013, kl.14.00

Møtestad: Formannskapsalen

Møtet vart leia av: Odd Jostein Drotninghaug

Elles tilstades:

Sigmund Valbø, Grethe Melseth, Ole Bjørn Roald og Anita Søvik

= **5 voterande**

Frå kontrollutvalsekretariatet møtte dagleg leiar Harald Rogne. Frå kommunerevisjonen møtte dagleg leiar Kjetil Bjørnsen.

Frå Sykkylven kommune møtte økonomisjef Arild Bergstrøm.

Det kom ikkje fram merknader til innkalling eller sakliste.

**SAK 09/13**

**GODKJENNING AV MØTEBOK FRÅ MØTE 6. MARS 2013**

**Kontrollutvalet sitt samrøystes vedtak:**

Møtebok frå møte 6. mars 2013 blir godkjent.

**SAK 10/13**

**VIDARE OPPFØLGING AV RÅDMANNEN SI HANDTERING AV DERIVATKONTRAKTAR  
MELLOM SYKKYLVEN KOMMUNE OG NORDEA BANK ASA**

Saksdokument datert 18.04.2013 frå kontrollutvalsekretariatet.

**Kontrollutvalet sitt samrøystes vedtak:**

1. Kontrollutvalet tek saka til orientering.
2. Kontrollutvalet vil kome tilbake til denne saka på neste møte.

**SAK 11/13****DRØFTING AV VEDTEKEN PLAN FOR SELSKAPSKONTROLL – EVENTUELLE PROSJEKTSKISSE M.M.**

Saksdokument datert 18.04.2013 fra kontrollutvalsekretariatet.

**Kontrollutvalet sitt samrøystes vedtak:**

Med bakgrunn i opplysningar frå Brønnøysundregistra innhentar kommunerevisjonen opplysningar om rentenivå og eventuell rentebinding eller andre forhold med tanke på å finne årsaker til forlenga bompengeinnkrevjing.

**SAK 12/13****SENSITIVE PERSONOPPLYSNINGAR PÅ KOMMUNEN SI HEIMESIDE**

Saksdokument datert 18.04.2013 fra kontrollutvalsekretariatet.

**Kontrollutvalet sitt samrøystes vedtak:**

Det blir innhenta ei skriftleg utgreiing i saka.

**SAK 13/13****OPPFØLGING AV POLITISKE VEDTAK**

Saksdokument datert 18.04.2013 fra kontrollutvalsekretariatet.

**Kontrollutvalet sitt samrøystes vedtak:**

Det blir føreteke ein gjennomgang i neste møte.

**SAK 14/13****ÅRSmelding 2012 – SYKKYLVEN KOMMUNE**

Innstilling frå kontrollutvalsekretariatet datert 24.04.2013

**Kontrollutvalet sitt samrøystes vedtak:**

Kontrollutvalet tek årsmelding 2012 for Sykkylven kommune til orientering.

**SAK 15/13**

**KOMMUNEREKNESKAPEN 2012 – SYKKYLVEN KOMMUNE**

Innstilling frå kontrollutvalsekretariatet datert 24.04.2013

**Kontrollutvalet sin samrøystes uttale:**

Sykylven kommune sin rekneskap for 2012 blir godkjent

Odd Jostein Drotninghaug leiar (sign.)	Sigmund Valbø medlem (sign.)	Grethe Melseth medlem (sign.)	Ole Bjørn Roald medlem (sign.)	Anita Søvik medlem (sign.)
--	------------------------------------	-------------------------------------	--------------------------------------	----------------------------------

**SUNNMØRE  
KONTROLLUTVALSEKRETARIAT IKS**

Kontrollutvalet i  
Sykkylven kommune

Dato: 07.06.2013

**SAK 17/13  
VIDARE OPPFØLGING AV RÅDMANNEN SI HANDTERING AV  
DERIVATKONTRAKTAR MELLOM SYKKYLVEN KOMMUNE OG NORDEA  
BANK ASA**

Som vedlegg følgjer:

- Sak 41/12
- Sak 02/13
- Sak 10/13

**Bakgrunn for saka**

Temaet var oppe til behandling i sak 41/12 – det blir vist til denne. Kontrollutvalet gjorde slikt samrøystes vedtak:

*Saka blir å oversende til rådmannen.*

Temaet var også oppe i sak 02/13 og vedtaket var dette:

*Kontrollutvalet ber om å bli løpende orientert i saka.*

I sak 10/13 vart dette vedtaket fatta:

1. *Kontrollutvalet tek saka til orientering.*
2. *Kontrollutvalet vil kome tilbake til denne saka på neste møte.*

Sidan kommunen sendte brev til Finanstilsynet om temaet har det blitt purra på saka utan resultat. Temaet for denne saka er den rettslege stillinga mellom kommunen og Nordea Bank Norge ASA i eignskap av avtalepartar. Dette er spørsmål som langt på veg vil kvile på bankfaglege og juridiske vurderingar. Det er naturleg at kommunen som skadeliden og tapande part prøver å få løyst problemet.

På bakgrunn av ovanstående og vedlegga til saka blir saka lagt fram for kommunestyret med forslag om slik

**innstilling:**

1. Kommuneadministrasjonen blir bedt om å utgreie og vurdere nærmere om dei aktuelle finansielle avtalane med Nordea Bank Norge ASA er gyldige, om kommunen kan krevje lemping av innhaldet i avtalane eller om kommunen kan kreve erstatning.
2. Til avgjerd av spørsmålet om vidare saksgang ber kommunestyret om å få seg førelagt ei nærmere utgreiing når Nordea Bank Norge ASA sin uttale ligg føre.
3. Kommunestyret vil kome tilbake til kva for endelege rettslege krav Sykkylven kommune eventuelt bør gjere gjeldande i denne saka.

Harald Rogn  
dagleg leiar

**SUNNMØRE  
KONTROLLUTVALSEKRETARIAT IKS**

Kontrollutvalet i  
Sykkylven kommune

Dato: 15.11.2012

**SAK 41/12  
VURDERING AV SYKKYLVEN KOMMUNE SINE FINANSIELLE AVTALAR MED  
NORDEA BANK NORGE ASA**

**1. Innleiing**

Kontrollutvalet har gjort vedtak om at sekretariatet skal gå igjennom den viktigaste dokumentasjonen i høve kommunen sine avtalar med banken når det gjeld mellom anna swapsjonar.

Avtalane har den 05.09.2011, sak PS45/11, for så vidt vore tema i kommunestyret. Men i nemnte møte valgte kommunestyret å utsette spørsmålet om korvidt kommunen bør bestride gyldigheita av avtalane med Nordea Bank Norge ASA.

Advokat Kjetil Kvammen har på vegne av sekretariatet utarbeidd notat av 12.11. d.å. vedkomande desse spørsmåla. Notatet gir ein del relevant faktisk og rettsleg informasjon som er nyttige for vurderingane. Dessutan framkjem foreløpige konklusjonar i saka. Det som vert opplyst kan tyde på at sentrale sider ved desse spørsmåla tidlegare ikkje har vore vurdert særleg grundig eller lagde fram for Nordea Bank Norge ASA.

**2. Hovudfokus ved ein ny gjennomgang**

Ein ny gjennomgang av sakskomplekset er denne gongen ikkje retta inn mot kommunen sin handlemåte. Dei interne tilhøva og dei reaksjonane og tiltak som internt følgte av kommunestyrevedtaket av 05.09.2011 er såleis ikkje tema her. Dei spørsmåla som no skal drøftast er den rettslege stillinga mellom kommunen og Nordea Bank Norge ASA i eigenskap av avtalepartar. Dette blir spørsmål som langt på veg vil kvile på bankfaglege og juridiske vurderingar. Men då tilhøvet til lovreglar ser ut til å vere sentrale, kan kommunen på fritt grunnlag gjere seg opp ei sjølvstendig mening med omsyn til banken sin handlemåte i forhold til det regelverket som det vert gjort greie for.

**3. Avtaleinngåinga**

Sekretariatet tek til vitande at kommunen mest sannsynleg har brote både kommunelova og anna regelverk gjennom inngåing av desse avtalane. Spørsmålet er om det vernet som lova skulle gi kommunen er tilsidesett av den andre parten i avtaleforholdet. Utgangspunktet er at kommunen var interessert i å oppnå rentesikringsavtalar, men sit att med noko anna, nemleg spekulasjonsavtalar som medfører tap og risiko for tap. Når reglane synest

å vere brotne, er det prinsipielt viktig at den avtaleparten kommunen burde kunne stole på får høve til å svare for feil som synest å ligge i dagen.

Når det gjeld saksbehandlinga for kontrollutvalet og vidare saksgang vil det verken vere kontrollutvalet eller revisjonen si oppgåve å handtere tilhøvet til Nordea Bank ASA. Det er naturleg at kommunen som skadeliden eller tapande kontraktspart gjennomfører denne oppgåva med assistanse av sine hjelparar og sitt eige nettverk.

#### **4. Grunnlaget for reaksjon mot banken**

Hovudgrunnlaget for kritikken mot banken går fram av pkt. 3 og 6 i advokat Kjetil Kvammen sitt notat.

Det kjem her fram at banken har klassifisert Sykkylven kommune som "Ikke-profesjonell" i høve til det såkalla MiFiD-regelverket som går fram av verdipapirforskrifta.

I eit eige brev datert 11.03.2011 har banken bekrefta at Sykkylven kommune skulle få "største grad av informasjonssikkerhet" i samband med inngåing av avtalane.

Dette er eit investorvern som kommunen dessverre gjekk glipp av. Svikten skjedde truleg på grunnlag av feil og därlege kvalitetssikra rutinar hjå Nordea Bank Norge ASA. Like sannsynleg synest det å vere at dersom den lov-og forskriftsfesta informasjonen var blitt gitt, så ville både administrasjonen og politikarane i Sykkylven kommune ha vurdert avtalane på ein annan måte. Sagt med andre ord ville avtalane mest sannsynleg aldri blitt inngått. Mykje kunne då vere spart for Sykkylven kommune.

Tidspunktet for når denne kunnskapen skulle gjevast til kommunen er sentralt for saka. Den kunnskapen ein må ha for vurderingane vil kome for seint dersom den først blir kjent etter at avtalane er inngått, slik det mest sannsynleg var tilfellet i desse sakene.

På grunn av dokumentasjonsplikta vil banken vere den som har bevisbyrda i desse spørsmåla.

#### **5. Kravet som bør stillast**

Etter det sekretariatet kan sjå, bør det klart stillast spørsmål til Nordea Bank Norge ASA om å erkjenne ansvar for at desse feila vart gjort. Vi kan ikke sjå at Nordea Bank Norge ASA har fått denne saka framlagd for seg på ein slik måte tidlegare eller at slike sentrale spørsmål om gyldigheit eller ansvar er retta mot banken. Det er viktig at banken får gjere greie for korleis ein har oppfylt pliktene i høve til lova, herunder m.h.t. pliktig dokumentasjon.

Saka er på grunn av sin art og beløpa sin storleik, samanhilde med eit klart regelverk som ser ut til å vere brote, som så alvorleg at kommunen også kan vere tent med å få ei rettsleg prøving av spørsmålet om gyldigheit og ansvar.

#### **6. Vidare tiltak**

Desse spørsmåla vil det vere naturleg å kome tilbake til etter at motparten sitt syn er klarlagd og dersom ein då mislukkast i å oppnå semje. Både gjennom semje og som resultat av ei domstolsprøving kan løysinga også gå ut på at avtalane blir modifisert, dvs. lempa til fordel for den parten som har blitt urimeleg behandla. Advokat Kvammen peikar på dette som ei mulegheit etter avtalelova.

Ut frå at Nordea Bank Norge ASA er eit verdipapirføretak, som på visse vilkår har konsesjon til å drive slik verksemd, er det nærliggande å vurdere innrapportering av denne alvorlege svikten til bankane sitt tilsynsorgan, Finanstilsynet. Manglande internkontrollsistem i bank er

styret sitt ansvar. Den renomme-og omdømerisikoen ei sak medfører for den andre parten vil kunne vere betydeleg. Dette alternativet bør inngå i dei vidare vurderingane i saka.

Det er likevel viktig for ei rett vurdering og vidare handsaming at kommunestyret får saka til ny førehaving når bankens sine svar ligg føre.

Med det som er nemnt ovanfor som bakgrunn legg ein saka fram for kommunestyret med slik

**innstilling:**

1. Kommuneadministrasjonen blir bedt om å utgreie og vurdere nærmere om dei aktuelle finansielle avtalane med Nordea Bank Norge ASA er gyldige, om kommunen kan krevje lemping av innhaldet i avtalane eller om kommunen kan kreve erstatning.
2. Til avgjerd av spørsmålet om vidare saksgang ber kommunestyret om å få seg førelagt ei nærmere utgreiing når Nordea Bank Norge ASA sin uttale litt føre.
3. Kommunestyret vil kome tilbake til kva for endelige rettslege krav Sykkylven kommune eventuelt bør gjere gjeldande i denne saka.

Harald Rogne  
dagleg leiar

**SUNNMØRE  
KONTROLLUTVALSEKRETARIAT IKS**

Kontrollutvalet i  
Sykkylven kommune

Dato: 27.02.2013

**SAK 02/13  
OPPFØLGING AV DERIVATKONTRAKTAR MELLOM SYKKYLVEN  
KOMMUNE OG NORDEA BANK ASA**

Som vedlegg følgjer:

1. Kontrollutvalsak 41/12
2. Brev frå Sykkylven kommune datert 28.12.2012
3. Notat frå advokat Kjetil Kvammen datert 12.11.2012 (dokumentet var også ein del av saksdokumenta i sak 41/12)

I sak 42/12 fatta kontrollutvalet slikt samrøystes vedtak:

*Saka blir å oversende til rådmannen.*

I ettertid har vedlegg 2og 3 blitt oversendt Finanstilsynet.

Harald Rogne  
dagleg leiar

**SUNNMØRE  
KONTROLLUTVALSEKRETARIAT IKS**

Kontrollutvalet i  
Sykkylven kommune

Dato: 18.04.2013

**SAK 10/13**

**VIDARE OPPFØLGING AV RÅDMANNEN SI HANDTERING AV  
DERIVATKONTRAKTAR MELLOM SYKKYLVEN KOMMUNE OG NORDEA  
BANK ASA**

Som vedlegg følgjer:

- Brev av 7. mars 2013 til Finanstilsynet fra rådmannen i Sykkylven kommune

**Bakgrunn for saka**

Temaet var oppe til behandling i sak 41/12 – det blir vist til denne. Kontrollutvalet gjorde slikt samrøystes vedtak:

*Saka blir å oversende til rådmannen.*

Temaet var også oppe i sak 02/13 og vedtaket var dette:

*Kontrollutvalet ber om å bli løpende orientert i saka.*

Som rådmannen sitt brev nemnt ovanfor viser, skjer det lite i saka. Spørsmålet er om saka i det hele får ei avklaring.

Temaet for denne saka er den rettslege stillinga mellom kommunen og Nordea Bank Norge ASA i egenkap av avtalepartar. Dette er spørsmål som langt på veg vil kvile på bankfaglege og juridiske vurderingar. Det er naturleg at kommunen som skadeliden og tapande part prøver å få løyst problemet.

Utgangspunktet var at kommunen var interessert i å oppnå rentesikringsavtalar, men sit att med spekulasjonsavtalar som medførte tap og risiko for meir tap. Når reglane synest å vere brotne er det prinsipielt viktig at den avtaleparten kommunen burde kunne stole på, får høve til å svare for dei feila som er gjort.

Det kjem fram at banken har klassifisert Sykkylven kommune som "Ikke-profesjonell" i høve til det såkalla MiFiD-regelverket som går fram av verdipapirforskrifta. I eit eige brev datert 11.03.2011 har banken bekrefta at Sykkylven kommune skulle få "største grad av informasjonssikkerhet" i samband med inngåing av avtalane.

Dette er eit investorvern som kommunen dessverre gjekk glipp av. Svikten skjedde truleg på grunnlag av feil og därlege kvalitetssikra rutinar hjå Nordea Bank Norge ASA. Like sannsynleg synest det å vere at dersom den lov-og forskriftsfesta informasjonen var blitt gitt, så ville både administrasjonen og politikarane i Sykkylven kommune kunne ha vurdert avtalane på ein annan måte. Sykkylven kommune sine eigne feilgrep i denne saka har vore til behandling tidlegare og eg vil ikkje kome inn på desse no. Kommunen er den svake parten i denne saka og har krav på vern frå banken si side.

Ut frå at Nordea Bank Norge ASA er eit verdipapirføretak, som på visse vilkår har konsesjon til å drive slik verksemd, var det naturleg å innrapportere av denne svikten til bankane sitt tilsynsorgan, Finanstilsynet – noko som også vart gjort.

Etter kvart som tida går og saka blir eldre, er det naturleg at kontrollutvalet vurderer om den valgte framgangsmåten for å løyse saka er den rette. Dette må kunne drøftast i møtet.

Harald Rogne  
dagleg leiar

**SUNNMØRE  
KONTROLLUTVALSEKRETARIAT IKS**

Kontrollutvalet i  
Sykkylven kommune

Dato: 07.06.2013

**SAK 18/13  
SENSITIVE PERSONOPPLYSNINGAR PÅ KOMMUNEN SI HEIMESIDE  
(OPPFØLGING AV SAK 12/13)**

Som vedlegg følgjer:

- Rutinar for bruk av ephorte frå juli 2007

Kontrollutvalet hadde blitt kjent med forholdet og vart nærmere informert i møte 25.04.2013. Forut for dette hadde temaet vore kommentert i Sunnmørsposten. Det er ikkje tvil om at slike saker er uheldig for dei som blir ramma. Saker som dette også er også uheldig for kommunen sitt omdøme og den almenne tilliten til Sykkylven kommune.

Økonomisjef Arild Berstrøm ga ei utførleg orientering om det som hadde skjedd. Han karakteriserte hendinga som ein glipp.

Kontrollutvalet gjorde vedtak om at det blir innhenta ei skriftleg utgreiing i saka. Rutinane for bruk av ephorte vart delt ut i møtet og desse er meint å vere svar til kontrollutvalet.

Rutinane synest vere utførlege og rimeleg detaljerte. Uavhengig av kvaliteten på rutinar, kan det oppstå feil dersom rutinane ikkje blir følgd. Etterleving av rutinane er derfor viktig.

Saka synest vere godt belyst frå rådmannen si side. Det blir ikkje lagt fram tilråding til vedtak.

Harald Rogne  
dagleg leiar



Dykkar dato:  
Dykkar ref.:

Vår dato: 12.04.2013  
Vår ref.: 2013/464-5134/2013

Saksbeh.: Arild Bergström  
Telefon: 70 24 66 00

**Til:**

Bjørg Rabbevåg, Per-Arne Pettersen, Hans Erik Stueflotten, Britt Hole, Ann Kathrin Muldal, Bente Skjeret - Tynes

### **Vedkomande unntak frå offentleg innsyn eller teieplikt**

Vedlagt følgjer Rutinar datert juli 2007 for bruk av ephorte.

Dette notatet vil spesielt ta for seg rutinane for skjerming, dvs offentleg innsyn eller ikkje.

For at det skal vere høve til å gjere naudsynte kontrollar, er det lagt inn eit ordning der inn- og utgåande brev vert publisert på heimesida vår først etter tre dagar.

**Utgåande brev:**

Kontroll av unntak frå offentlegheit:

Saksbehandlarar og leiarar er ansvarleg for at offentlegheitslova vert følgd.

Saksbehandlar er ansvarleg for å vurdere om dokument som ho/han oppretter, skal unntakast offentlegheit. Skal delar av tittelen unntakast offentlegheit, må aktuell tekst sladdast og rett tilgangskode med lovheimel vert registrert.

Vurdering i tre trinn/tre handlingar:

- skal dokumentet unntakast – finn heimel og registrer vidare:
- skal/bør delar av dokument-innhald sladdast?
- skal/bør mottakar sladdast?

I ei slik vurdering må ein også ta med kva utanforståande kan "lese" ut av samanhengen dokumentet står i, andre dokument i mappa, mappetittel osb. Kva som kjem fram når fleire opplysningar vert kopla sammen.

***Ansvar:***

Ansvarer er lagt både til saksbehandlar eller leiar.

For å oppfylle mitt ansvar, har eg oppretta søket Økonomi siste 5 dagar. Her går eg inn og kontrollerer om utgåande dokument etter mi mening er påført rett kode, skjerming osb. Finn eg at så er ikkje gjort, vert dette teke opp med sakshandsamar. Vert sakshandsamar og eg ikkje samde, blir saka lagt fram for arkivar.

Samstundes vurderer eg om fleire bør ha kopi av brevet. I så fall vert det gitt melding til sakshandsamar.

Mottekne brev:

Kontroll av saksbehandlar – sak/journalpost:

I nokre tilfelle har Postmottak unntake ei sak frå offentlegheit. Dette medfører IKKJE at sak/journalpostar arkivet ikkje har unntake, er offentlege.

Saksbehandlar må kontrollere om sak/journalpost ein mottek skal unntakast frå offentlegheit, i så fall påføre rett tilgangskode, og i tillegg vurdere å skjerme tekst/avsender.

*Ansvar:*

Ansvoaret er lagt både til saksbehandlar eller leiar.

For å oppfylle mitt ansvar, har eg oppretta søket Økonomi siste 5 dagar. Her går eg inn og kontrollerer om innkomne dokument etter mi meining er påført rett kode, skjerming osb.

Veit eg at sakshandsamar er fråverande, på ferie, kurs eller liknande, vert denne kontrollen gjort med ein gong.

Vert sakshandsamar og eg ikkje samde, blir saka lagt fram for arkivar.

*Fråver:*

Ved saksbehandlars fråver er det leiar som har ansvoaret. Som leiar har eg ansvoaret for at rutinane fungerer sjølv om eg ikkje er til stades.

Med helsing

Arild Bergström  
økonomisjef

*Vedlegg:*

- 1 Rutinar for bruk av ephorte

Ole-Johan Lillestøl  
Tove Lilleås

## RUTINAR FOR BRUK AV ePhorte

juli 2007

### Innhald:

<b>Målsetting</b>	Side 1 av 12
<b>Definisjonar</b>	Side 2 av 12
Sak/saksmappe Journalpost I= Inngående dokument U= Utgående dokument N= Notat med oppfølging X= Notat utan oppfølging S= Saksframlegg Restanse Obs-dato	
Forfallsdato Arkivdel Ordningsprinsipp Ordningsverdi Klassering Tilgangskode Støttearkiv Aktuelt regelverk	Side 3 av 12
<b>Handtering av dokument som vert motteke direkte</b>	Side 4 av 12
Direkte overleverte saksdokument Personleg adressert post Personleg adressert e-post Post som ikke er jurnalført	
<b>Fordeling av saker og journalposter, oppfølgingskontroll og avskrivingsprosedyrar</b>	Side 5 av 12
<u>Leiar sitt ansvar:</u> Fordeling av saker og journalposter Kontroll av saksfordeling Kontroll av journalpostfordeling Kontroll av unntak for offentlegheit Oppfølging av restansar og forfall Oppfølging av saker til godkjenning	Side 6 av 12
<u>Saksbehandlar sitt ansvar:</u> Oppfølging av saker og journalposter Kontroll av saksbehandlar Kontroll av saks- og journalposttittel Sjekk av arkivkode Restanseoppfølging og avskriving	Side 7 av 12 Side 8 av 12

**Produksjon av brev og dokument**

Side 9 av 12

- Produksjon
- Underskriving og utsending
- Kontroll av unntak frå offentlegheit
- Ekspedisjon, ferdigstilling og avslutting av saker
- Forfallsdato

Side 10 av 12

**Produksjon av delegeringssaker****Produksjon av utvalssaker**

Side 11 av 12

- Produksjon
- Godkjenning
- Kontroll av unntak frå offentlegheit
- Etterarbeid

Side 12 av 12

## **MÅLSETTING:**

Rutinen omhandlar handtering av dokument for leiarar og sakshandsamarar.

Med leiar er meint: rådmann, kommunalsjef, einingsleiar

Med sakshandsamar er meint: alle som produserer brev/dokument og politiske saker m.m. i kommunen sin verksemd.

Målsettinga med rutinen er saman med rutinen for arkivet å sikre

- At dokumentflyten skjer hurtigast mogleg frå postmottak til saksansvarleg
- At alle vert sikra lik og samstundes tilgang til saksdokument
- At sakshandsaminga blir tilstrekkeleg dokumentert og arkivert utan dobbeltarkivering og dobbeltregistrering.
- At avlevering skjer på papir inntil fullt elektronisk arkiv (gjeld k-kodearkivet\*) vert teke i bruk.

\* det vanlege saksarkivet

## **DEFINISJONAR:**

### Sak/saksmappe:

Saksomgrepet vert nytta til å lenke registrerte saksdokument (journalpostar) som logisk høyrer saman til ein felles identitet – ei sak.  
I denne rutinen vert ei saksmappe konsekvent omtala som ”sak” som igjen vil tilsvare eit saksnummer i sakssystemet ePhorte. (Det er ikkje nødvendigvis ei politisk sak/sak til politisk organ)

### Journalpost:

Saksdokument som er journalført/skal journalførast. Vert nytta for å gi namn på ei journalføring av eitt eller fleire saksdokument. Det finns fylgjande typar saksdokument:

#### I = Inngående dokument

Eit inngående brev/dokument som er mottatt frå andre verksemder, instansar eller privatpersonar.

#### U = Utgående dokument

Utgående dokument vert nytta når hovudmottakar er ei ekstern verksemd/person eller ved oppretting av delegert behandling.

#### N= Notat med oppfølging

Skal berre nyttast internt i Sykkylven kommune, der mottakar er knytt opp mot ePhorte.

Denne dokumenttypen skal berre nyttast i dei tilfella der du ønskjer at mottakar skal tildelast eit oppfølgingsansvar. (dvs. mottakar må avskrive notatet td. ved å svare)

#### X= Notat utan oppfølging

Skal berre nyttast internt i Sykkylven kommune, der mottakar er knytt opp mot ePhorte.

Denne dokumenttypen skal nyttast når du ikkje ønskjer at mottakar skal ha eit aktivt oppfølgingsansvar. (Notat til orientering ol.)

#### S= Saksframlegg

Skal nyttast når ein skal skrive eit saksframlegg (med utgreiing og innstilling) til eit politisk utval.

### Restanse:

Eit mottatt saksdokument/brev som ikkje er endeleg avskrive/svart på. Alle må dagleg sjå etter kva restansar ein har ved søket ”mine restanser”. I tillegg skriv arkivet ut restanselister to gonger i året . Før ein tilsett sluttar plikter han/ho å køyre ut restanske sine og informere leiar om saksdokument/brev som ikkje er svart på.

### Obs-dato:

Ein oppfølgingsreiskap du sjølv kan velje om du vil bruke. Det kan nyttast til å følgje med på saker som er sendt ut og som har ein frist, eller som ein av anna grunn har behov for å følgje opp. Saksbehandlar må sjølv sette obs-dato. Ein må då utføre søket ”OBS-liste” som viser alle saker der OBS-dato er overskride eller går ut i løpet av dei neste 14 dagane.

**Forfallsdato:**

Ein oppfølgingsreiskap som kan nyttast for å lette oppfølging av behandlingsfristar på eit inngåande brev. Sakshandsamar kan sjølv sette forfallsdato i høve til sakshandsamingsprosessen og møteplan m.m. og på den måten få påminning om saker som det er tid for å prioritere. Alle pliktar sjølv å utføre søket "forfallsliste" som viser alle mottekne journalpostar der behandlingsfrist er overskriden eller går ut i løpet av dei neste 14 dagane.

**Arkivdel:**

Arkivdel viser kva for fysisk arkiv ei sak er arkivert i. (t.d. k-kodearkiv, byggesakarkiv, personalarkiv)

**Ordningsprinsipp:**

Eit felles prinsipp for ordning/arkivering av saker innafor ein arkivdel, t.d. K-kodar, gnr./bnr., fødselsnummer o.l.

Ver merksam på at ordningsprinsippet med tilhøyrande verdiar kan nyttast som søkeomgrep for å leite fram saker som omhandlar same objekt eller emne.

**Ordningsverdi:**

Dei verdiene som er tillate nyitta innanfor eit ordningsprinsipp, td ein fagklasse eller fellesklasse i K-kodenøkkelen.

**Klassering:**

Klassering vert gjort ved at det vert registrert ein eller fleire ordningsverdiar på ei sak. (t.d. sette på rett K-kode)

**Tilgangskode:**

Kode som vert nyitta for å skjerme opplysningar som er unntake offentlegheit eller er underlagt teieplikt.

**Støttearkiv:**

Når vedlegg eller anna arkivverdig materiale som grunna av storleik og format ikkje kan skannast inn i det elektroniske arkivet, må det skannast inn med ei framside med informasjon om kvar dei einskilde vedlegga fysisk skal arkivleggast.  
(Mest aktuelt når hovudarkivet ikkje lenger er papirbasert)

**Aktuelt regelverk:**

Arkivlova

Forvaltningslova

Offentlegheitslova

Personopplysingslova

Særlover

NOARK 4

Alminneleg delegeringsreglement for Sykkylven kommune

## **DOKUMENT SOM VERT MOTTEKE DIREKTE AV LEIAR OG SAKSBEHANDLAR**

### Direkte overleverte saksdokument:

Saksdokument som blir direkte overlevert til saksbehandlar eller leiar må overleverast arkivet for skanning, journalføring og fordeling før saksbehandling vert sett i verk.

**Dette gjeld same kva måte dokumenta er kome saksbehandlar eller leiar i hende på (faks, e-post, direkte overlevering av papirdokumentet m.m.).**

Leiar eller sakshandsamar har ansvar for å sjekke om dokumentet er innstempla og journalført.

### Personleg adressert post:

Personleg adressert post som viser seg å vere eit saksdokument skal utan opphold leverast til arkivet for skanning og journalføring. Dette regelen gjeld uansett på kva måte posten er mottatt, brev, telefax, epost o.l.

Det kan inngåast skriftlege avtalar om at personleg adressert post kan opnast av arkivet.

### Personleg adressert e-post:

Dersom ein leiar eller saksbehandlar mottar journalverdig e-post, må denne sendast vidare til arkivet via "postmottak" for journalføring.

Den einskilde har plikt til å vurdere om e-posten må vurderast som eit arkivverdig dokument. Ved tvil skal arkivet kontaktast.

Leiar og saksbehandlar må sikre at motteken e-post kan behandlast også ved fråvær over lengre tid. Dette skal gjerast ved bruk av fråværsassistent i e-postsystemet.  
(Denne finn du under Verktøy på øvste linja) Her gjev ein opplysning om kor lenge fråveret vil vare og at e-post bør sendast postmottak.

### Post som ikkje er journalført:

Dersom leiar og saksbehandlar har motteke dokument som ikkje er journalført, t.d. rundskriv og møteinnekallingar, og ser at dei har eit innhald eller er av ein karakter som gjer at dei vil starte ein saksbehandlingsprosess, alt frå ei politisk sak til eit enkelt svarbrev, skal dokumentet returnerast til arkivet for innstempeling og journalføring.

## **FORDELING AV SAKER OG JOURNALPOSTER. OPPFØLGINGSKONTROLL. AVSKRIVINGSPROSEDYRAR**

### **Leiar sitt ansvar:**

#### Fordeling av saker og journalpostar:

Rådmann/einingsleiar er ansvarleg for å kvar dag opne fylgjande elektroniske lister: (jfr. venstremenyen)

- "mottatte journalposter"  
Denne lista viser saker/journalposter der leiar sjølv er ansvarleg, eller kopimottakar for.
- "ufordelte journalposter"  
Lista vil vise ufordelte saker og journalposter som leiar er ansvarleg for å fordele til si eiga administrative eining. (denne er hos oss lite brukt)

#### Kontroll av saksfordeling:

Leiar skal kontrollere at saker (arkivsaker) til eininga er rett fordelt. Ved feilfordelt sak, skal det utan opphald takast kontakt med arkivet for omfordeling.  
(Rapporter, off. journal; velg avdeling og dato/veke)

#### Kontroll av journalpostfordeling:

Leiar skal kontrollere og ev. rette saksbehandlar på journalposten (for det enkelte dokument i saka). Dette vert utført ved direkte å sette rett saksbehandlar-initialer i feltet "saksbehandler" på journalposten. Kontakt ev. arkivet. (så lenge vi har papirarkiv må arkivet alltid ha melding)

Leiar må følgje opp om det skal vere interne kopimottakarar på journalposten, om arkivet har ført på intern kopimottakar eller om det er fleire som skal ha kopi.

#### Kontroll av unntak frå offentlegheit:

Arkivet foreslår tilgangskode for å unnta dokument frå offentlegheit allereie ved registrering av ny innkomen journalpost, når arkivet trur at dokumentet skal unntakast offentlegheit.

Det er likevel leiar si plikt dagleg å kontrollere kodebruken og brukt heimel, og endre der det er naudsynt.

Leiar er ansvarleg for å sette tilgangskode også der arkivet ikkje har sett nokon kode, og ikkje unntatt dokumentet frå offentlegheit. I slike tilfelle skal arkivet ha beskjed om endringa som er gjort.

Når saker og dokument vert unntakast offentlegheit må dei delane av teksten i tittelen som ikkje skal kome til offentleg kunnskap sladdast. Der slik tekst ikkje er sladda er det leiar si oppgåve å sladde teksten.

Så lenge vi publiserer fulltekst dokument på heimesida, er det ekstra viktig å følgje dette opp!

Oppfølging av restansar og forfall:

Leiarar skal følgje opp eininga/avdelinga sine restansar direkte i journalsystemet ved søket "Restanser".

Leiarar skal dagleg søke fram eigne restansar ved søket "Mine restanser". Leiarar skal regelmessig søke fram eigne journalpostar med forfallsdatoar ved søket "Forfallsliste".

Oppfølging av saker til godkjenning:

Leiar skal søke fram alle saker for godkjenning ved søket "Til godkjenning hos leiar".

## **Saksbehandlar sitt ansvar:**

### Oppfølging av saker og journalpostar:

Saksbehandlar skal kvar dag følgje opp saker og journalpostar han/ho er ansvarleg for, med m.a. å opne følgjande elektroniske lister (venstremenyen – mine søk)

#### "Mottatte journalposter"

Lista viser alle mottekte journalpostar dei siste 45 dagane som saksbehandlar er ansvarleg for eller er kopimottakar for.

#### "Egne restanser"

Lista viser journalpostar saksbehandlar er ansvarleg for og som det enno ikkje er gitt endeleg svar på. (Restansen er ikkje avskrivne)

#### "Egne konsepter"

Lista viser eit oversyn over journalpostar som ikkje er ferdigbehandla.

#### "Siste saker"

Denne lista vil vise dei siste sakene saksbehandlar har opna i ePhorte.

#### "Siste journalposter"

Denne lista vil vise dei siste journalpostane saksbehandlar har opna i ePhorte.

### Kontroll av saksbehandlar – sak/journalpost:

Saksbehandlar skal kontrollere at vedkomande er rette saksbehandlar for saka og journalposten. Dersom ei sak/journalposten skal overførast frå ein saksbehandlar til ein annan, må arkivet kontaktast snarast for å få overført saka til rette vedkomande.

Sakshandsamar må også vurdere om det bør vere interne kopimottakarar på journalposten; om arkivet har ført på intern kopimottakar eller om det er fleire som bør ha kopi.

### Kontroll av saks- og journalpost-tittel:

Saksbehandlar skal kontrollere at journalpost/dokument er registrert i rett sak. I tillegg skal saksbehandlar kontrollere saks- og journalposttittel. Saks- og journalposttittel skal dekke saka/dokumentet sitt innhald. Sakstittelen må vere meir generell, medan journalposttittel må vere meir konkret i høve til sjølve journalposten sitt innhald.

Finn saksbehandlar at journalpost- eller sakstittel er feil eller mangelfull, må arkivet varslast om dette. Saksbehandlar kan ikkje rette opp tittelen sjølv. (gjeld inngåande dokument, dokument/brev om saksbehandlar har produsert sjølv kan endrast før ferdigstilling.)

Er eit dokument registrert i feil sak, må det flyttast. Saksbehandlar er ansvarleg for å gi arkivet melding slik at dette kan bli gjort av arkivet.

Saksbehandlar må også kontrollere at saker unntake fra offentlegheit er påført rett tilgangskode, og at rett tekst og felt er skjerma.

Sjekk av arkivkode (ordningsverdi):

Saksbehandlar kan sette/kontrollere arkivkode på saka anten den startar med innkomande, utgående eller interne dokument. Er ein usikker – kontakt arkivet.

Restanseoppfølging og avskriving:

Saksbehandlar skal heile tida følgje opp eigne restansar m.a. ved dagleg opning av den elektroniske lista (jfr. venstremenyen, mine søk) "Egne restanser".

Saksbehandlarane må avskrive alle dokument dei er ansvarlege for, elles vil dei bli ståande som restansar med raudt flagg. Dette gjeld også dokument som vert svara på pr. telefon eller berre teke til etterretning/orientering.

Bruk merknadsfeltet til ytterlegare informasjon. Dette skal også brukast når du avskriv eit dokument telefonisk.

Mottatt journalført post vert avskrive på følgjande måtar:

- BU: Dokument som vert svara på med eit utgåande brev. Vert utført automatisk ved at saksbehandlar bruker funksjonen "svar på JP" i systemet.
- TE: Inngåande dokument som vert teke til etterretning.
- TO: Inngåande dokument som vert teke til orientering.  
(De lærde strides om forskjellen på dette, og formell konklusjon er at det ikkje er forskjell. Nokre meiner likevel at orientering er rein informasjon, etterretning medfører handling – at ein retter seg etter noko. Dette siste er det altså ikkje formelt belegg for.)
- TV: Inngåande dokument som vert tilvist
- TLF: Inngåande dokument som vert svara på pr. telefon. Avskrivinga vert følgt opp med ein merknad på journalpost om innhaldet i samtalet.
- NN: Notat svara på med nytt notat
- \*\*\* Førebels svar i forvaltingssak (jfr. forvaltningslova)
- SA: Vert berre nytta av arkivet

Notat vert avskrivingsmessig behandla på same måte som inngåande brev.

Husk av det er to typer notat – eitt som krev svar og eitt som berre er til orientering

Dokument skal ikkje avskrivast før dei er endeleg besvart. Bruk av "førebels svar" vil ikkje føre til avskriving og restansen vert ståande.

## **PRODUKSJON AV BREV OG DOKUMENT**

### Produksjon:

Utgåande brev som ikkje er produsert i eige **godkjent** fagsystem SKAL produserast via ePhorte.

Saksbehandlar er ansvarleg for å knyte utgåande brev, interne notat og utgreiingar til rett sak, og at alle opplysningar blir registrert etter gjeldande reglar.

Søk først om det finns ei sak frå før, slik at ein ikkje får fleire arkiv-saker om det same. Saksbehandlar kan opprette ny saksmappe sjølv, eller kontakta arkivet.

### Underskriving og utsending:

Saksbehandlar må syte for at utgåande brev vert underskrive, kopiert og sendt ut etter gjeldande reglar.

Saksbehandlar må huske å **ferdigstille** dokumentet før det vert sendt.  
(sette dokumentstatus til F)

Husk! Kopi av dokument/brev til kopibok og arkivmappe (så lenge vi har papirarkiv).

Skal du framleis ha saksmappa på kontoret for vidare arbeid, sender du ein kopi til arkivet (til kopiboka) same dag som dokumentet/brevet går ut. Ein kopi skal då leggast i saksmappa som saksbehandlar har hos seg.

Svar pr. e-post skal skrivast som brev, men kan sendast som e-post. (Sjå under ferdigstilling, ekspedering m.m.; originalbrev m. underskrift skal ettersendast pr. post)  
**Brev/dokument som er unntatt offentlegheit skal ikkje sendast om e-post.**

### Kontroll av unntak frå offentlegheit:

Saksbehandlarar og leiarar er ansvarleg for at offentlegheitslova vert følgd.

Saksbehandlar er ansvarleg for å vurdere om dokument som ho/han oppretter, skal unntakast offentlegheit. Skal delar av tittelen unntakast offentlegheit, må aktuell tekst sladdast og rett tilgangskode med lovheimel vert registret.

#### Vurdering i tre trinn/tre handlingar:

- skal dokumentet unntakast – finn heimel og registrer vidare:
- skal/bør delar av dokument-innhald sladdast?
- skal/bør mottakar sladdast?

I ei slik vurdering må ein også ta med kva utanforståande kan "lese" ut av samanhengen dokumentet står i, andre dokument i mappa, mappetittel osb. Kva som kjem fram når fleire opplysningar vert kopla saman.

#### Ekspedisjon, ferdigstilling og avslutting av saker:

Saksbehandlar MÅ følgje opp og ferdigstille dokument som er under utarbeiding ved å utføre søket "egne konsepter". Her får ein opp alle sine dokument som ikkje er ferdigstilt, og dokumenta har status R. Dokumenta må vurderast og ev. ferdigstilla. Status vert då endra til F.

Dokument/brev som er ferdigstilt, må skrivast ut og underskrivast i tråd med underskrivingsreglane før ekspedering.

Viss dokumentet/brevet vert ekspedert med e-post eller faks, skal originaldokument med underskrift ettersendast til mottakar. Ved ekspedering med e-post vert status for journalposten sett til E for ekspedert. Dette betyr at saksbehandlar gir klarsignal til arkivet om at dokumentet kan journalførast. (Ver obs på dette, slik at du ikkje bruker denne funksjonen for å sende eit konsept til gjennomsyn til nokon m. epost.)

Gi melding til arkivet når du sender siste brevet (journalposten) i ei sak, og saka er avslutta.

(Ved å høgre-klikke på mappeikonet får du opp valet "marker som ferdig")

#### Forfallsdato:

Saksbehandlar følgjer sjølv opp forfall ved å opne elektronisk liste basert på eit fast definert søk ("forfallsliste")

## **PRODUKSJON AV DELEGERINGSSAKER**

Sakene som har eigen mal vert skrivne som utgåande journalpost. (U)

For andre saker kan ein bruke vanleg sakmal (S).

Der ein vanlegvis vel "lagre og nytt dokument" vel ein her i staden berre "lagre" og kjem tilbake til arbeidsbildet. Her vel ein fane behandlingar (når ein er på journalpostnivå) og legg inn den aktuelle behandlinga (delegert teknisk eller delegert rådmannen). Då får ein tildelt saksnummer.

Når ein då skal skrive saka vel ein nytt tekstdokument og får opp malboksa. Og det vidare arbeidet vert som ved oppretting av andre dokument.

Dersom det ikkje ligg i malen må ein skrive inn delegeringssak-nummeret i Word-dokumentet.

Utover dette gjeld vanlege rutinar for ekspedering og kopiering til arkivet o.l.

## **PRODUKSJON AV UTVALSSAKER**

Produksjon: (ansvar: saksbehandlar)

Alle saksdokument skal produserast via ePhorte.

Saksframlegg til politiske utval skal opprettast som ein ny journalpost med dokumenttype S. I samråd med leiar skal saksbehandlar avklare kva utval saksframlegget skal fremjast for.

Alle utvala saka skal opp i skal førast opp.

Utvalebehandlingane må stå i kronologisk rekkefølgje.

(Vert ei sak utsett og skal oppatt ein gong til i same utval, kan det leggast inn via redigering på journalposten, og då må dei seinare handsamingane flyttast ned på lista slik at kronologien vert oppretthalden.)

Alle vedlegg SKAL knytast til saka elektronisk (unntak: t.d. store kart)

Det er tre måtar å gjere det på:

1. Knytt til eksisterande dokument (dokument som er produsert i ePhorte)
2. Hent fil frå disk. (t.d. frå mine dokument o.l.)
3. Lever vedlegget til arkivet for innskanning som vedlegg til saka.

Godkjenning: (ansvar: leiar)

Når saksframlegget er ferdig skrive, skal det til rådmannen for gjennomlesing og godkjenning. Saksframlegget skal då ha behandlingsstatus RE (registrert som sak for utvalet.....) Etter at rådmannen har godkjent saka skal behandlingsstatus settast til KL (klar frå saksbehandlar og godkjent av leiar)

Rådmannen søker fram saksframlegga som er klare ved å velje søket "til godkjenning", eller på måte som han avtaler med sakshandsamarar/einingsleiarar.

Dersom rådmannen ikkje godkjenner saksframlegget, opprettheld dokumentet behandlingsstatus RE og det må sendast melding til saksbehandlar.

HUSK også å sette dokumentstatus til F og behandlingsstatus til KL når saksframlegget er ferdig.

Det er berre dei sakene som har dokumentstatus F og behandlingssatus KL som utvalssekretær kan plukke over til saklista!!

Kontroll av unntak frå offentlegheit: (ansvar: leiar)

Leiar er ansvarleg for at offentlegheitslova vert følgd.

Saksbehandlar er pliktig til å vurdere om dokument som ho/han oppretter, skal unntakast offentlegheit.

Rådmannen si vurdering før godkjenning skal også omfatte kontroll av unntak frå offentlegheit, og kontroll av kva kode som er brukt.

Ønskjer ein å unnta heile dokumentet frå offentleg møteinkalling, skal det settast tilgangskode på journalposten som er oppretta som dokumenttype S. Dersom ikkje dette vert gjort vert saka sendt ut og publisert via den offisielle møteinkallinga.

Den politiske handsaminga vert dokumentert via **utvalsmodulen** av utvalssekreterær.

#### Etterarbeid/ekspedering

Etter at saka er ferdig handsama politisk vert melding sendt til sakshandsamar via epost med lenke til saka, for vidare arbeid og ekspedering. Ev. saksdokument som utvalssekr. har hatt med på møtet vert levert direkte til arkivet.

**SUNNMØRE  
KONTROLLUTVALSEKRETARIAT IKS**

Kontrollutvalet i  
Sykkylven kommune

Dato: 07.06.2013

**SAK 19/13  
OPPFØLGING AV POLITISKE VEDTAK**

Som vedlegg følgjer:

- Oversikt over oppfølging av politiske vedtak i formannskap og kommunestyre for 2. halvår 2012.

Føremålet med kontrollutvalet sin gjennomgang er å undersøkje i kor stor grad politiske vedtak blir sett ut i livet. Rådmannen bør vere tilstades for å orientere.

Harald Rogne  
dagleg leiar

**SUNNMØRE  
KONTROLLUTVALSEKRETARIAT IKS**

Kontrollutvalet i  
Sykkylven kommune

Dato: 07.06.2013

**SAK 20/13  
OM ENDRING AV VALKRINSAR**

Det blir vist til tilsendte dokument om temaet. Rådmannen er invitert til å orientere om korleis kommunen har behandla endringa av valkrinsane. Med utgangspunkt i denne orienteringa vil kontrollutvalet kunne vurdere om dette er ei sak for vidare oppfølging.

Harald Rogne  
dagleg leiar

SAKER BEHANDLA I FORMANNSKAPET - 2.halvår 2012

F= ferdig behandla politisk  
UA= under arbeid

Saksnr.	Sakstittel	Møtedato	Status	Kommentar
<b>FRÅ FØRRE RAPPORTERING</b>				
PS 61/11	Vurdering av nytt rådhus		UA	På vent
PS 51	Godkjenning av protokoll fra førre møte	27.08.2012		
PS 52	Referatsaker			
RS 26	Søknad om tilskot - Varmtvassbasseng i Ålesund			
RS 27	Resultat av lovlegkontroll - Budjetsettet for år 2012	Til KST		
PS 53	Plan for barnehagesektoren 2012-16	Til KST		
PS 54	Full barnehagedekning - Behov for utbygging	Utsett		
PS 55	Sykkylven Naturhistoriske Museum - Flytting	UA		
PS 56	Søknad om kommunalt tilskot for oppstart av uteavdeling fra 01.08.2012	Til KST		
PS 57	Kommunal beredskapsplikt - Planverk m.m.	Til KST		
PS 58	Søknad om endra bruk av investeringsmidlar - Tandstad skule	Til KST		
PS 59	Val av tomt til ny sentrumsskule	UA	Tilbake til NU	
PS 60	Storfjordterminalen AS - Endring av selskapstruktur	Til KST		
PS 61	Søknad om fritak som meddommar i Sunnmøre Tingrett	FB		
PS 62	Søknad om fritak som meddommar i Frostating Lagmannsrett	FB		
PS 63	Godkjenning av protokoll fra førre møte	17.09.2012		
PS 64	Referatsaker			
RS 29	Spørsmål om skuleskyss			
RS 30	Skilting i Hornindal	Til KST		
PS 65	Sykkylven Naturhistoriske Museum - Flytting	UA		
PS 66	Kommunal planstrategi - Utlegging til offentleg høyring	Off. høyring		
PS 67	Søknad fra SII om støtte til offentleg toalett	FB		

PS 68	Godkjenning av protokoll fra førre møte	22.10.2012
PS 69	Referatsaker	
RS 31	Vernerunder 2012	
RS 32	Spørsmål om støyskjerming i Tregardane	
RS 33	Høyningsuttale til utviklingsplan mot 2030 for Helse Møre og Romsdal	
RS 34	Fysio BUAS - Spørsmål fra SP v/Irene T.Løvoll	
RS 35	Økonomisk støtte til TV-aksjonen 2012	
PS 70	Rapportering saker handsama av formannskapet 1. halvår 2012	
PS 71	Høyring - Fylkesplan 2013-2016	
PS 72	Suppleringsval - Val av to nye meddommarar i Sunnmøre Tingrett	
PS 73	Opparbeidning av leikeplassen i Kyrkjevegen	
PS 74	Klage på avslag om erstatning	
PS 75	Rekneskapsrapport og prognose etter 2.tertial 2012	
PS 76	Løn i rådmann	
PS 77	Godkjenning av protokoll fra førre møte	26.11.2012
PS 78	Referatsaker	
RS 36	Skjenketider jula 2012	
PS 79	Årsbudsjett 2013 og Økonomiplan 2013-2016	
PS 80	Gebyr VAR-området 2013	
PS 81	Hovudplan avløp 2012-2020	
PS 82	Full barnehagedekning i Sykkylven kommune - Ny handsaming	
PS 83	Etablering av kommunal logopedteneste	
PS 84	Kommunal planstrategi 2012-2016 - Handsaming etter høyring	
PS 85	Bankplassen kiosk & grillbar - Søknad om utvida skjenketid jula 2012	
PS 86	Kommunali ånegaranti for Ungdomslaget Samhald	
PS 87	Val av nytt varamedlem i Sykkylven valnemnd	
PS 88	Open anbodskonkurranse - Vintervedlikehald - Rode 4 - Fjellsetra-Fausa - Klage på tildeling	
PS 89	Vederlag for pleie- og omsorgstjenester 2013	
PS 90	Andre gebyr og vederlag 2013	
PS 91	Godtgjersle ordførar og varaordførar	
		20.12.2012
	FB	Telefommøte

## SAKER BEHANDLA I KOMMUNESTYRET - 2.halvår 2012

**FB= ferdig behandla/avslutta politisk/adm.**

**UA= under arbeid**

**F= ferdig behandla politisk**

Saksnr.	Sakstittel	Møtedato	Status	Kommentar
<b>FRÅ FØRRE RAPPORTERING</b>				
PS 66/11	Sykkylven kulturhus - Driftssituasjon/strategi		UA	Manglar løyvingar
PS 54/11	Oppfølging PS 45/11 - Strategi		UA	
PS 81/11	Full barnehagedekning i Sykkylven kommune		FB	Kjem ny sak
PS 05/12	Kommunal planstrategi 2012 - 2015		FB	Eiga sak
PS 32/12	Verdikommune Sunnmøre		FB	Eigne saker
PS 61	Godkjenning av protokoll fra førre møte	10.09.2012		
PS 62	Referatsaker			
RS 24	Rapportering skatteinngang og rammetilskot 2012 per juni			
RS 25	RApportering skatteinngang og rammetilskot 2012 per juli			
RS 26	Resultat av lovlegkontroll - Budsjettet for 2012			
RS 27	Rapportering skatteinngang og rammetilskot 2012 per august			
RS 28	Spørsmål til ordførar - Vedlikehald av vintervegar			
RS 29	Spørsmål til ordførar - Sjøsiden kaierterminal			
PS 63	Plan for barnehagesektoren 2012-16		FB	
PS 64	Søknad om kommunalt tilskot for oppstart av uteavdeling frå 01.08.12		FB	
PS 65	Tilstandsrapport for grunnskulen i Sykkylven skuleåret 2011/2012		FB	
PS 66	Søknad om endra bruk av investeringsmidlar - Tandstad skule		F	
PS 67	Busetting av flyktninger 2012		FB	
PS 68	Samarbeidsavtale mellom Sykkylven kommune og Rusbehandling Midt-Norge HF		FB	
PS 69	Endring av lokal samarbeidsavtale mellom Sykkylven kommune og NAV Møre og Romsdal		FB	
PS 70	Storfjordterminalen AS - Endring av selskapssstruktur		FB	
PS 71	Kommunal beredskapsplikt - Planverk m.m.		FB	
FO 3	Interpellasjon: Sykkylvsbrua - Økonomisk oversikt - Plan for bompengar		F	
PS 72	Godkjenning av protokoll fra førre møte	01.10.2012		

PS 73	Referatsaker			
RS 30	<i>Spoørsmål til ordførar - Hovudplan avløp/ungdomsråd</i>			
PS 74	Sykkylven Naturhistoriske Museum - Flytting	F		
PS 75	Lønspolitisk plan 2012 - 2016	F	Tilbakemelding	
PS 76	Rapportering saker handsama av kommunestyret 1.halvår 2012	FB		
PS 77	Robin Urke Brunstad - Søknad om permisjon fra politiske verv frå 20.08.12 - 20.08.13	FB		
PS 78	Erik Kursetgjerde - Søknad om permisjon fra politiske verv i 2012	FB		
PS 79	Andreas Suorza Sørensen - Søknad om permisjon fra politiske verv hausten-12 og ut 2013	FB		
PS 80	Christina Holmberg - Søknad om fritak frå politiske ut perioden	FB		
PS 81	Val av nytt styremedlem i Sykkylvsbrau AS	FB		
PS 82	Godkjenning av protokoll frå førre møte	05.11.2012		
PS 83	Referatsaker			
RS 31	<i>Rapportering skatteinngang og rammetilskot 2012 per september</i>			
RS 32	<i>Møtebok kontrolluttvalet 9.10.12 - Særutskr.og saksdok.av sak 32/12 og særutskr. Sak 34/12</i>			
RS 33	Særutskrift - Opparbeiding av leikeplassen i kyrkjeparken			
RS 34	<i>Spoørsmål til ordførar frå SP v/Odd J.Drotningshaug - Vegføring til trafo på Heiane</i>			
RS 35	<i>Spoørsmål til ordførar frå AP v/Ståle Eikrem - Psykiatritenesta i kommunen</i>			
RS 36	<i>Spoørsmål til ordførar frå SP v/Petter Hole-Drablos - Skilting i Straumgjerde</i>			
PS 84	Rekneskaprapport og prognose etter 2.tertial 2012	FB		
PS 85	Val av nytt styre i Storfjordterminalen AS	FB		
FO 4	<i>Interpellasjon frå AP v/Ivar Johansen - Hyttetomter på Fjellsetra</i>	FB		
PS 86	Godkjenning av protokoll frå førre møte	10.12.2012		
PS 87	Referatsaker			
RS 38	<i>Spoørsmål til ordførar frå Hv/Steinar Myrseth - Skuleskyss</i>			
RS 39	<i>Intensjonsavtale utomhus Sykkylven vgs.</i>			
RS 40	<i>Rapportering skatteinngang og rammetilskot 2012 per november</i>			
PS 88	Årsbudsjett 2013 og Økonomiplan 2013 - 2016	FB		
PS 89	Vederlag for pleie- og omsorgstjenester 2013	FB		
PS 90	Andre gebyr og vederlag 2013	FB		
PS 91	Gebyr VAR-området 2013	FB		
PS 92	Hovudplan avløp 2012 - 2020	FB		

PS 93	Vedtak om standard abonnementsvilkår for vann og avløp		FB
PS 94	Seniorpolitiske retningslinjer - Endringar		FB
PS 95	Etiske retningslinjer for Sykkylven kommune		FB